


# 麴醜洞藁

二卷  
二卷  
七言律



漢書門類		一〇四七四號	二〇冊
		七六函	二架

內閣文庫		漢書類	一〇四七四號	二〇冊	二架
------	--	-----	--------	-----	----

內閣文庫		番號	漢 10474
		冊數	20 ( 10 )
		函號	317 80

十





斗

第十卷之三

卷之四十五

卷之四十六

卷之四十七

卷之四十八

卷之四十九

卷之五十

卷之五十一

卷之五十二

卷之五十三

卷之五十四

卷之五十五



魏洞豪卷之二十二

武昌吳國倫著

始安張鳴鳳校  
新安方尚贊

七言律詩八十七首

淺草文庫

吳侍御惟錫按楚還京

憶自鶴班識令名五陵年少避驄行  
丹書日擁燕臺下白簡霜飛楚甸清  
畏客久無鸚鵡賦憐君獨作鳳凰鳴  
朝廷豈復須巖穴不盡瀟湘戀闕情

冬日集鄭館

臥雪袁安道未貧談天騶衍術猶新  
短墻時過東隣酒僻巷先回北谷春  
帳外諸生能度曲樽前稚子解



留賓綈袍贈汝寒仍在白首相看誰故人

歲暮奉簡明府二叔時予將北上

日日從君醉玉壺不知何處有窮途歲華荏苒心仍壯山水蕭條曲未孤豈是阿咸能肖阮偶同張翰一歸吳春來芳草堪乘興何事驅車上 帝都

人日明府二叔攜二客見過趣駕

江上鴻歸春正寒梅花蕭瑟傍疎欄君來著屐東山好客有盈樽北海歡風物故園猶綵勝歲時孤閣且辛盤豈緣高臥忘 明主白髮相憐未忍拚

元夕燈宴同周俞二丈

何處鼇峯海上蟠故園燈夕且邀歡空堂樹色分春早四壁星光入雨寒莫向清樽論宦跡總愁華髮負儒冠吳兒最解娛賓意百轉清歌夜未闌

遊太湖龍崖觀

龍山合沓俯靈湫龍去山空水自流萬壑松風吹絕壁一灘沙色擁飛樓坐凌空翠春衣濕步入盤渦蠟屐愁仙洞桃花曾未落漁人虛擬避秦遊

寄劉子成兵憲

時鎮淮揚

萬里黔陽攬轡來海門烽色望崔嵬營開列戟秋虹繞幕擁雙戈赤日回風鶴已傳淮水捷鼓鏡真越漢



人才何時得泛維揚棹醜酒同登戲馬臺

桐城遇張文學

暮雨孤城匹馬來相逢猶似夢初迴可憐綠鬢論交  
意半老青雲獻賦才問俗已非舒子國橫經好在皖  
公臺知君手自成瑚璉不學荆人抱璞哀

廬州屠宗豫使君招飲郡齋

廬州郡閣與雲齊臥閣停雲白日低峯擁者闍浮海  
上城臨金斗壯淮西相看春色杯應滿況是風塵手  
暫攜莫問年來遷客路乾坤處處使人迷

春日與吳提學峻伯遇於東郡

立馬窮桑雨氣深天門落日下平陰逢君敢問遊燕  
計畏路俱含望魯心雙眼浮雲過說劍十年流水入  
攜琴古來文物歸東郡叩壁曾聞金石音

汶上贈韓明府

中都文物古來傳問俗新知茂宰賢海上峯陰邨子  
國城頭沙合汶陽田歌聲已傍千花動歸思翻從五  
柳懸孤罟細論心竝折不知明月落樽前

河間道中

楊花如雪下城阿匹馬班班野堞過春事漸隨行旅  
盡夕陽偏向逐臣多武垣坼地雄三輔瀛海蟠天落



九河悵望薊門烽火近卻憑孤劍起悲歌

德州徐兵備汝思招飲

岐路巾車避客過平原春色奈君何論文豈敢咻齊  
傅對酒聊能縱楚歌風起鴈聲寒赤塞沙蒸日氣暝  
黃河不禁永夜呼盧醉此會乾坤總未多

汝思同諸公登泰山出所作見示

幾年夢寐登東岱咫尺虛從馬上看不分青雲私上  
客常扶彩筆到層巒樽前日吐天門曙句裏濤生海  
甸寒便欲凌風將羽翼驚聞玉女珮珊珊

初入京夜集李伯承尚寶宅論詩

碣石宮前款舊盟幾年江海不勝情重來白首寧干  
世賴有清樽可避名別後故人鸚鵡賦夢中今夕鳳  
皇城知音一遇當千古總抱朱絃何處鳴

吳化卿舍人攜酒過訪

西掖梧桐玉露垂十年金馬倦遊時不妨疎懶從人  
後只怪蹉跎見爾遲草詔雲生鳩鵲觀退朝花隱鳳  
皇池相憐逆旅風塵色日日攜壺問楚辭

間行訪元美敬美二首

時二美以家難棄官寓燕邸

急難辭官漫陸沈間關被髮遠相尋經過自削人間  
跡對語仍寒別後心霜下薊門天黯澹虹垂碣石晝



陰森尊鱸正好歸無計腸斷吳江秋水深

其二

一自浮雲失路岐關山風雨繫離思可憐微服過逢地却是南冠對泣時結客黃金虛自擲投人白璧總相疑請看落日瀟湘色千古猶念楚賦悲

答于鱗見訊

萬里悲風吹暮笳逐臣猶自傍京華裁書欲寄孤生杜謝病曾營五色瓜馬上山明青海月夢中春老赤城霞可憐同社諸兄弟只似河橋楊柳花

過鄭

曉歷高原望鄭墟爲耽奇勝屢停車洪堤想像黃圖迴廣武間關霸業虛三月流風仍被襖千秋遺愛豈刑書中原處處徵求急那得孤城獨晏如

酬張考功助甫

匹馬重來叩漢關逢君落日淚潸潸如何七子風雷後尚有斯人天地間碣石嶙峋非舊社蓬萊清切自仙班題書未與山濤絕二室三花擬共攀

肖甫儀部攜壺夜過

旅巷驚聞駐玉珂張華夜逐酒人過黃金消息壚頭盡白雪聲名海內多萬戶星辰占遇合九邊風雨入



悲歌瀟湘雜佩堪遺汝一別其如秋思何

將赴河南移息報國寺方丈耿在倫侍御高伯

宗龔用卿二比部洪濟卿參軍攜壺出訪經

宿而別

停車一借上方樓萬慮都從覺後迷洗藥泉分慈海  
外煮茶煙吐禁城西客攜冰簟依禪榻僧向雲門指  
御題勝蹟玄談俱不偶可堪行色動青驪

涿鹿道中

涿鹿城頭沙氣昏西山烈烈火雲屯鳴鞭忽過華陽  
道賽鼓猶聞督亢村宮闕九關虛極目烽煙六月已

銷魂古來畿內饒湯沐萬戶今懸 聖主恩

滹沱河

滹沱之水鴈門來直入平原遶漢臺萬馬乘流奔赴  
海千鯨觸石鬪鳴雷秦兵北戍投鞭渡楚客南浮擊  
楫回麥飯亭前沙草合翠華不見使人哀

贈魏郡陳兵憲敬夫

魏地山川翊上都九河東盡海天孤 朝廷尚憶雲  
中守使者新嚴臥內符白羽秋風清部曲絳帷晴日  
擁生徒知君意在銷金甲未向黎陽問霸圖

謁子路廟



衛侯宗社已丘墟蒲令祠堂非故廬俗朴尚遺三善  
舊庭間猶似片言餘風吹斷壁龍蛇臥草沒荒臺狐  
兔居弔古百年重灑淚松杉落日倍蕭疎

睢陽懷古

帝輦西巡六馭勞中原萬戶入腥臊胡塵不阻黃河  
險戰血猶懸赤日高力盡睢陽千虎口身輕霄漢一  
鴻毛當時鼓角聲難散斷壘悲風日夜號

得鄭若庸鄴下信却寄此詩諷之

一別風煙悵渺茫書來猶自未還鄉思君落日懸吳  
會久客孤雲倚濁漳賜璧虞卿書更著脫錐毛遂策

誰長扁舟谷口何年事江水青青橘柚黃

立秋日登大梁城樓

官閣凌空汴水深金飈初動客登臨浮雲易改三川  
色落葉先驚萬里心江上美人遺雜佩城南少婦拭  
清砧繁臺兔苑今禾黍日暮憑欄思不禁

郊外餞別陳錫卿兵憲赴威茂

睢水東環脩竹園一樽聊駐使君軒黃金市劍雙龍  
躍白羽提兵萬馬喧天上春雲開蜀道峽西明月望  
中原相逢父老無相難椎髮雕題識漢恩

寄訊王元美



落日黃河起北風爲將雙淚入江東辭官赴難荆榛  
過擁骨還山橘柚空六月冰霜人意外一門生死  
帝恩中可憐國士虛相遇敢向天邊覩白虹

訊敬美

彩雲雙鳳下秋冥苑樹風高翼未寧三世國恩仍  
浩蕩一時家難遂飄零非無黍谷迴春律自是轅門  
落大星歸臥東吳年正少愁心江水照青萍

哭宗子相四首

弱冠登朝意氣偏華陽斗酒縱談天從人白眼浮雲  
過去國新詩大海傳尚憶燭龍迴暮景豈應妖鵬識

流年知君更抱中郎恨萬卷遺書失仲宣

其二

別後裁書涕淚多五年衣食傍兵戈渥洼驥褭空燕  
市閩海魚龍妬汨羅把臂往時非汗漫策車千里亦  
蹉跎誰將一曲廣陵散翻入山陽笛裏歌

其三

詞園諸客竝沈淪一日風波萬態新金馬玉珂俱往  
事青門黃土竟斯人誰堪多病馮唐老更少平生鮑  
叔親甕社雙珠今不見却疑淮海失精神

其四



萬里招魂君豈知天風嗚咽楚人詞雲寒洛浦歸任  
昉歲晏濠梁憶惠施雙淚把詩還字字一樽傷往獨  
時時由來腐骨無今昔宿草寧嫌酌墓遲

雪望

雪積中原改物華憑高何處望天涯歸心欲亂章臺  
絮春色先殘兔苑花苦被白雲侵擁褐却疑銀漢入  
浮槎梁園萬戶寒煙裏脩竹虛無噪暮鴉

辛酉元日同諸守臣從侍御行賀正禮于睢州

公署詩以紀之

濯錦池頭曙色催孤臣春夢五雲回仙班彷彿旌門  
入淑氣氤氳帳殿開日近中嵩呼萬壽天依北斗望  
三台誰從野外嘯綿蕞柱史今簪白筆來

李川父宅宴集分得酉字

積雪初晴柳未齊洛橋春望楚雲迷多君虛席夷門  
左與客論文兔苑西千古紅塵銷感慨一樽明月慰  
羈棲年過七十顏如玉何用尋仙入武溪

暮春同二大夫過李憲使山庄

東毫桃花無數開西園結駟行春來沙昏不辨梁王  
苑樹杪忽出闕伯臺落日酒杯任君勸浮雲簿領非  
吾才請看世路悠悠者得醉花前能幾迴



寧陵出郭訪李憲使于解氏園醉留此作

灌木重雲覆古隄柴車野服叩幽棲沙隨市遠雞豚  
足葛伯村荒燕雀迷入戶藤蘿褰翠壁中庭花石引  
丹梯習家風景君能醉誰笑山公獨似泥

署中盆荷始花喜而有述

盆水疎荷亦自芳空齋著雨似林塘葉心珠墮仙人  
掌花際雲銜帝女粧虛訝錦衾遺洛浦欲攜初服問  
瀟湘南薰且作繁華主莫道開樽是異鄉

聞高伯宗比部擢長史奉景王之國寄贈二

首

帝子玄圭錫禁中詞臣絳節走湘東由來周室分封  
重不與長沙出傅同入國徐驟雲母輦延賢先侍日  
華宮方城自可為盤石莫使門窺十五童

其二

西曹白首更從王江漢千秋是帝鄉自信穆生能  
重楚何如司馬倦遊梁衣冠末路無工拙詞賦窮交  
任激昂賜宅高臨雲夢渚幽蘭一曲轉堪傷

伯宗嘗謂予疎

狂不善宦詩意有感焉

張四宅牡丹

無數名花秀可餐韶光殊似洛中看誰家競鏤千金



勝戚里虛裝百寶欄  
遶屋繁香風不斷  
向人嬌豔日爭寒  
醉忘雙鬢隨春老  
笑摘殘枝戴鷓冠

七夕

大棘天高鴈影斜  
秋風零落兔園花  
他鄉七夕聊持酒  
短髮頻年獨憶家  
乘月佩環飛欲墮  
隔河機杼望猶賒  
虛傳乞巧人間俗  
拙宦潘生老自嗟

同張肖甫登平臺

古木平臺汴水涯  
登臨猶自憶豪華  
梁王閣道遊龍臥  
魏客夷門列雉斜  
日落榛蕪秋萬里  
風飄砧杵暮千家  
逢君是處堪杯酒  
極北雲山悵望賒

秋日貽李給事葉侍御黃民部張膳部陳大行

時俱左遷中州以執事會大梁為此詩志感  
結駟遊梁倦未歸  
斷鴻遙逐楚雲飛  
諸君豈合同留滯  
直道從來有是非  
落月夢懸明主席  
深秋寒入侍臣衣  
夷門握手殊顏色  
肯為窮途淚漫揮

九日旅舍與肖甫坐談潘文學攜酒殺適至

末路逢君亦夢思  
敝車為客轉支離  
塞鴻秋斷中原影  
籬菊寒深故國枝  
早帽當筵風自側  
白衣何處酒能持  
信陵臺畔霜如雪  
坐遣繁愁入鬢絲

鄴城懷古



卷之三十一  
十一  
城畔清漳間濁漳居人不自感興亡西園月散脩文  
社北道煙沈講武場雀去三臺空峙鼎龍爭尺土類  
分香韓陵片石無今古猶抱煙沙擁太行

比干墓

斷碣誰題古大師道傍孤塚自纍纍三宗無力回商  
鼎一諫那能決酒池白霧蒼茫懸首地青天想像剖  
心時桃林牧野俱陳迹行路偏含異代悲

除夕

千門茶壘爲誰新獨夜椒花自愴神湖海弟兄傷往  
事關山兒女憶歸人窮依薄祿堪終歲病挾衰容又  
入春欹枕十年青瑣夢只隨雲物度楓宸

徐子與補汝南太守將至同張肖甫遲於大梁  
上國傳書已暮春檐帷幾日渡河津重逢漢吏分符  
處合是梁園授簡人詩句小能酬造化酒杯深自解  
風塵中嵩雲氣平臺月便欲持之贈所親

周汝熙文學下第還閩因過大梁見訪詩以送  
之

匹馬東歸意未平相逢卮酒百年情風吹沙海裘先  
敝路入延津劒欲鳴抱璞且收和氏淚下帷應就董  
生名武夷好共尋仙去何得閩江遂解兵



追輓李光祿忠節

上黨李文昭公正統巳巳以光祿丞死土木  
之難 朝有卹典邦人至今祠之其曾孫克  
善時爲開封郡丞雅意表章先烈吳子感而  
賦焉

夏日卽事志喜

平臺搔首視黃河千古豪華一逝波漢闕此時成請

劍翟家無地可張羅重依日月瞻明盛敢向風雲惜  
輶軻試聽中原諸父老鳴弦擊壤自謳歌

送門人魏文啓下第南還

往時魏絳和戎策擊節看來衆所驚一日敢論知己  
後五年猶作上書行臨卽重客如司馬魯國諸儒避  
伏生梁鴈欲隨彭蠡去樽前絲管亦秋聲

助甫邀泛汝河分得關字

客程秋雨換青山一片浮雲去住問新漲初平懸瓠  
水歸鴻猶阻木陵關樽前賦作浮淮去月下舟成訪  
戴還無奈故人能醉我平原十日未應攀



過麻城留寄耿在倫侍御

一別燕山歲屢更素書難寄遠遊情虛從五鹿誇能  
事好是三鱣頌大名日下西陵人咫尺秋歸南浦鴈  
縱橫不知何地堪攜手一夜相思短髮生

醉答家兄勸駕詩

秋風江上賦歸來便擬煙蓑老釣臺過客偶傳除目  
至仁兄相向好懷開深知吐握延賢日轉媿艱難濟  
世才一出又牽池草夢何如此夕共銜杯

答汝脩則勸

天京雷雨蕩妖氛日有徵書下五雲高士漸從巖穴

起小臣何意姓名聞重揮涕淚驚前事却恐衰遲負

聖君同學故人頻勸駕到來休勒北山文

王生作美人圖見遺因贈

七尺生綃百美圖含情飛色麗金鋪堂懸楚峽雲難  
散逕指秦臺鳳可呼抱瑟似聞歌竹妓鳴環何處降  
麻姑瀟湘變幻良工手點染鉛華惱病夫

初夏同王使君過開元寺

芝林歇馬叩文殊貝闕陰陰複道紆遶院風燈搖罔  
象半山雲蓋擁浮圖建州城郭千花遶閩海煙沙一  
雨驅只訝諸天常不夜摩尼隔水弄明珠



贈王使君子薦

奏賦明光弱冠時分符閩海亦恩私案頭花氣青山  
合溪上松濤白日馳春擁檐帷行雨露夜憑星劍泣  
蛟螭誰知楚客飄零處得共清樽狎武夷

贈吳樞季司理因懷其兄峻伯

吳氏向來稱季子名家況復二難并建州同舍亦奇  
事魯國窮交非世情試吏先憑三尺法散衙常與百  
花盟憐君有夢依池草天目浮雲咫尺生

莆城陷後黃亨夫給事方君敬員外俱避亂樵

川各賦一詩訊之

諸將平南插羽遲故人離亂復何之十年瑣闥無還  
夢一日桑田有變時逆旅形容青鏡惜名山詩句白  
雲知難將往事傷心盡今古浮雲逝若斯

其二

末路重逢鬢已華亂離飄泊不勝嗟卽今海上仍鉦  
鼓何日莆中有室家載橐向人驚履跡泛舟隨水問  
桃花高齋一榻堪延汝細瀉愁心入紫霞

奉訊林中丞汝雨時以避亂至郡  
投傳歸棲大海濱掩關猶自畏風塵十年兵火馳諸  
將一日山川幸此身負子欲耕梁父壠逢漁未識武



陵津稍聞開府新乘勝且復淹留醉故人

九日同君敬登西塔寺閣

西塔峯頭醉倚欄故人佳節劇相歡溪搖白練穿城  
下樹擁丹梯到閣看何處煙雲升海氣幾家砧杵送  
秋寒黃花不減東籬色只愧青門未掛冠

林中丞寓館同何侍御潤夫方員外君敬攜酒

過集

避地移家秋欲闌昭陽山水鹿門看蠻煙蜃雨身初  
定石室蘭臺夢已寒童子放歌將進酒故人相慰且  
加餐十年高臥頭仍黑未必勲名負釣竿

聞徐汝寧被謫寄此慰之

別後中原夢屢驚擔簦何處著虞卿兔園白雪蒼茫  
過燕市浮雲慘澹生尚有酒杯存故態虛將湖海避  
時名茗溪之水桃花色此日能無遠去情

閱武酬包護軍作

戈戟如林擁將臺建牙吹角陣雲開材官盡領千夫  
長小隊爭迎五馬來虛擬投醪堪饗士敢從彈鋏誤  
論才憑君莫解戎衣臥海上王師戰未回

初春署中對雪兩兒子持酒爭勸醉而志喜

雪滿山城海氣孤蠻煙千嶺入虛無豐年蚤為三農



詹垂川  
卜濁酒歡憑兩稚呼檻竹垂垂分玉筍盆梅澹澹浴  
冰壺馬卿虛索梁園賦一醉陽春病已蘇

送王子薦擢大梁憲副二首

年少專城事已奇循良更遇九重知  
塞帷大海風濤壯開府中原日月私  
別去綈袍無遠近古來神劍有雄雌  
懸知二室看花處尚憶三山對酒時

其二

攬轡山川亦壯哉感時還上信陵臺  
天懸南北星河動地引嵩嶠秋色來  
多難正須司馬法舊遊誰似長卿才  
洛中諸客如相問隨處名山縱酒杯

送林給事子順還京

仙掌高懸北斗間卿雲常護紫宸班  
十年瘴海波初定八月星槎使正還  
寓直桐陰清左掖退朝香氣鬱西山  
知君補袞非凡手不必青蒲擬犯顏

題林子順陽溪別業

玉珂朝下承明廬猶問陽溪舊卜居  
歷亂水雲千樹曲蕭疎籬落萬兵餘  
醉攜海色看馴鳥閒註遺經課種魚  
一室掃除君不屑向來焚草定何如

與周汝熙文學

壬戌夏汝熙歸過大梁予贈之詩有云武夷



好共尋仙去何得閩江遂解兵今予入閩一  
與年兵事稍戢汝熙適訪予至歎曰昔詩豈偶  
蘇然哉又賦詩見貽獎借予治行因作此志感  
焉  
憶我窮愁入魏年逢君羸馬倦遊燕自從白雪樽前  
過常使黃河夢裏懸臥閣此時閩海吏叩門何處武  
夷仙如能挾我餐霞去不必循良世上傳

送阿端還楚

吾兒十歲強論文旅邸相依意獨殷思母夜啼閩海  
月還家秋傍楚關雲舟前落葉千砧送枕上寒江一  
鴈聞聚散亦知從浪迹牽衣不解淚繽紛

送阿堂

七日生兒憶遠離五齡從宦未全癡安危襁褓天相  
命聚散兵戈爾不知漫學裹糧將母去已能懷果爲  
兄私臨岐問我歸何暮一夜秋風鬢欲綵

送姪子懋聲

吾兄千里憐其弟遣汝迎家向故山永夜驚心仍寇  
盜頻年飛夢只江關扁舟一繫見悲別戰鼓初停婦  
喜還聞道水南新卜舍桃花莫似武溪灣

寄懷子與



詹補遺 卷之三十一 十一  
故人幽思白雲同只怪新詩病後工看菊屐停三逕  
裏採蓴舟泛五湖東尺書迢遞緘秋色斗劒憑陵倚  
暮空我亦倦遊歸未早可能雙翼比晨風

喜顧季狂見訪

海上秋深鴈未回暮雲飛傍越王臺風生萬里登高  
處天遣孤槎泛客來鱷浪有時驚倚劒龍珠無色照  
銜杯吳歌百闋今能否多少愁容待汝開

寄懷謝茂秦

幾年問訊隔漳河南下今如萬里多垂老詩篇猶慷  
慨傍人生計已蹉跎中原不盡孤雲色海上都無一

鴈過零落舊遊君不見秋風處處起悲歌

武昌過熊元乘憲使宅有懷

兵戈海上別君時十二年來各鬢絲分陝安危明  
主仗過秦工拙古人知家鄰樊口尚如昨客到江門  
有所思却喜兒孫皆素業謝庭蘭玉莫爭奇

八色至日發武昌作

五馬翩翩向五雲陽光一日遍江濱宮衣舊賜寒仍  
拭玉律初噓暖漸分浪迹徃時虛近侍懸心遙夜入  
氤氳且隨羣牧趨元會猶勝釣天夢裏聞



主封豨然正出古入映寒嶽樊口尚吹和客陞玉門  
 兵戈無土眼甚却十二年來各鬻絲衣刺安京 即  
 左昌巖顏示乘憲對空首謝  
 孤遊零落舊遊故不見麻風吹衣城悲烟

蘇詩洞藁卷之二十三

武昌吳國倫著

始安張鳴鳳校  
新安方尚贊校

七言律詩九十二首

初入京喜順甫使君適至夜酌同賦

客散華陽已十年重來五馬竝朝天青雲亦借詞

人色白首慙稱計吏賢握管春回燕谷裏聞鐘月過

鳳城邊停杯却憶同遊事何處關山不可憐

入京有感寄懷李王徐三子

春星五馬入朝天陌上衣冠異昔年宮鳥不醒滄海

夢禁雲猶索 帝京篇黃金愧我非能吏白首逢人



避後賢却問西山千古月幾時虛傍酒壚懸

送龐侍御按浙江

五雲初獻漢宮春手 詔先馳柱下臣南國星辰占  
建節中原耆舊識埋輪渡江兵色三吳盡行部 君  
恩萬戶新此日尚須巖穴士桐江千古問垂綸

爲歐楨伯題崙山精舍

崑崙飛卓南海傍五夜西極寒無光誰結玄廬俯三  
島自提如意招五羊讀書不聞山鬼哭奮臂欲跨海  
雲翔白首遨遊未得志懷中琬琰龍珠藏

贈潘廷尉時良

十年簪筆未央前八使看君雨露先結襪自忘廷尉  
貴引經猶屬大儒專畿中得士先推轂幕下談兵半  
執鞭欲擬風人歌吉甫丹心常傍五雲懸

過恒山酬梁乾吉憲使招飲乾吉故爲同舍給

事詩蓋有感云

三月燕南花未開恒陽立馬正徘徊因君一問浮湘  
賦把手還臨望漢臺同舍十年俱去國各天今夕好  
銜杯只應左掖雙梧樹曾識當年諫獵才

答道函

初與道函竝騎出京邑道函爲中山主人留



飲遂失期不及追乃馳一詩約予俟之河上  
云

冀北同驅上駟遊一麾相望入中州風雲倏忽鳴鑣  
過景物蕨蕨按轡收公子棄繻疑汗漫故人投轄信  
淹留無妨祖逖鞭先著共濟河源尚艤舟

登叢臺

邯鄲城北趙王臺入望煙沙萬里迴碧漢岿蕘還棟  
宇翠華消息久莓苔可憐東海辭金去無復秦庭抱  
壁來日暮風生千樹裏猶疑歌管送餘哀

酬汪伯玉中丞論詩

相逢京洛少年行海內蜚揚白雪名一自江湖增浪  
跡又從星斗卜平生途窮越石身堪贖淚盡陵陽璞  
始明幕府清虛橫玉軫對君山水入無聲

聞元美爲園事佛寄贈

王郎中歲欲逃禪嗜酒耽詩癖未蠲成佛豈從靈運  
後息機真在丈人前新營石室藏金粟小引溪流灌  
白蓮便好拂衣尋爾去東林應結遠公緣

過衛

褰帷日日是登臨懷古朝歌思不禁郡遶山河開壯  
麗隄蟠雲樹入陰森居人指點迴車路過客踟躕擊



唐書 卷之三十三 三

磬音幾日看花春又盡當年綠竹自淇林

送周明府赴京待調

匹馬周郎又 帝京河陽花色正含情那能百里居  
龐統只似三年召賈生樽酒路岐春漫別佩刀風雨  
夜爭鳴從他漢粟侏儒飽莫使人傳賣賦名

黃州逢張助甫僉憲即席得江字

西陵落日照空江楚客深春歷舊邦問渡已橫青雀  
舫聞歌還駐碧油幢幾年岐路逢如夢一夜風濤醉  
欲降向道張華能識劔匣中牛斗自成雙

山中有懷助甫得書却寄

江上停驄及暮春銜杯江閣句爭新古來誰問滄浪  
父歌罷偏愁洛浦人芳草如雲牽夢寐征衣幾日解  
風塵盈盈一水勞相訊欲覓桃花何處津

謁甘將軍廟

黃龍洲接大江迴捲雪樓高巨浪摧古屋將軍遺像  
在荒村伏臘瓣香來何年一破窺吳計異代還憐翊  
漢才有客停舟薦蘭芷檣烏噪雨若為哀

雨後行經東林

積雨初收白日低江州策馬遠衝泥瀑流噴雪千巖  
墮雲氣浮天萬壑迷穿逕稍聞呼燕雀隔梁猶自飲

陸孝



虹霓重來不辨東林社只逐鐘聲過虎溪

豐安道中遇雨攜兒阿端避宿田家

海昏新漲接彭湖問渡南來日漸晡忽有風霾生灌  
木旋看雷雨過平蕪山寒自怯幃帷濕村遠兒愁燈  
火孤田父莫須驚五馬濁醪深夕為予呼

酬德甫江上雜詠

掛冠梅福隱西山散髮時從江上還佩好芙蓉秋自  
結門深蘿薜晝常關虛舟泛泛風濤外高枕蘧蘧牛  
斗間遙夜踏歌誰識曲只隨明月弄潺湲

次南浦驛德甫同伯用晦攜壺見訪經宿而別

章門五馬復經過故舊相看慰藉多溽暑披衣星正  
聚隔城移榻夜如何沙頭雨歇重酤酒浦口風生一  
放歌千載南州須汝輩不妨人事有蹉跎

苦雨

予自楚還郡日行雨中入境猶不絕有憂  
心焉作此

六月南天雨不休七閩巒氣接神州昆鯨吸浪飛何  
遠石燕沾泥舞自愁潦涌郊原頻問渡雲迷關塞却  
驚秋補天無力慚為牧多少瘡痍淚未收

同君敬過屏山寺訪謝文度

樵溪西遶郡城斜有客清秋遠泛槎臥閣正須愁瘴  
癘出郊聊復問煙霞深松避暑月窺相白石翻經天



雨花坐裏塵緣銷欲盡向來何處數恒沙

凌虛閣雨望

風雨樵嵐萬木驚登高一寄遠遊情爐煙自遶祇林  
散雲氣全封列嶂平似有法龍吟大澤忽飛靈鷲出  
孤城上方樓閣虛無裏極目山川變幻生

余德甫書至却寄

歲晏孤飛江上鴻病夫猶臥海雲中風霜不傲初衣  
色兵火常憑尺素通往事徘徊班女扇餘年消息楚  
人弓籃輿若過東林社直指蓮花是遠公

病起登臥治閣望雪

炎方積雪人爭訝病客登樓景亦奇粉堞晝迷千嶂  
影冰花寒結萬林枝倦遊梁苑名甘薄竊臥淮陽鬢  
已絲一送江鄉千里目白雲黃鶴若為期

贈方景武

強年肌骨未勝衣詞賦偏工世事違過趙虛勞雙壁  
贈哭秦誰解萬兵圍關山亂後移高枕雨雪吟邊失  
釣磯若道使君無重客禰衡今日好誰依

季狂景武夜過郡齋席上賦得天字

傲吏長吟百粵天暮雲高竝七臺懸公餘北海時賓  
客病起淮陽又歲年雪意當樽寒欲斂梅花滿署月





相鮮居然此夜成招隱不比虛回訪戴船

人日

閉閣看梅春事幽彩屏金燕憶中州且拚七日花前  
醉一破三年海上愁淑氣已隨黃鳥至壯顏誰倩白  
駒留粉榆社客緘書問何計風塵罷遠遊

聞季狂已入武夷却寄

昔予曾叩武夷君九曲天從一線分洞口黃冠供石  
髓樽前彩筆潤峯紋仙人杖處龍還躍玉女簫時鳳  
不聞此日桃花迷往路可能冲舉躡浮雲

將至武夷以詩促季狂併約沈郭二子

武夷明日是中秋遲爾還攜二客遊薜荔巖懸千古  
月桃花洞入五溪舟仙人委佩青霞落詞客揮毫白  
雪流佳節名山如可負却從何地覓丹丘

冒雨同顧山人遊七臺山道中作

前谿春雨歇鳴橈望裏仙臺混碧霄大峽雲霾千境  
合上方鐘鼓百靈朝肩輿傍險行偏好露冕凌空意  
轉驕石外逢僧君莫笑此中殊勝虎溪橋

登七臺山絕頂

卽劉大師蛻身處

天削孤峯插斗傍倒看初日起扶桑山煙忽擁祇林  
樹海氣遙吞舍利光臺按七星分絕景地蟠三郡俯



南荒真師已跨浮雲去猶有雙龍護法堂

空明閣夜與季狂坐談

高臺風雨極攀躋坐逼青旻萬象低峯似飛來雲未  
穩榻應移傍月同棲昔人面壁非吾事明日磨崖共  
汝題呼吸已堪通帝座不知何處唱天雞

望氣樓醉題贈戚將軍元敬

仗鉞新澄瘴海波登樓直欲挽天河晴窻突兀三山  
峙遠樹參差百雉羅帳外風雲行部曲空中鸞鶴引  
笙歌酣來倚劔看牛斗只怪南天紫氣多

午日病小愈孫王二別駕見問留集臥治閣

杜門佳節起偏遲二客相過慰病思采藥名山身未  
健泛蒲高閣景堪移葵榴隔榭迎新暑煙雨平城散  
晚炊敢道政成如渤海兒曹猶繫辟兵絲

晚過屏山寺

郭外羣峯過雨斜溪南蕭寺晚涼賒慈雲自覆空王  
座福土常開異域花爲愛深松留五馬卻乘明月演  
三車不知何佛傳燈至海嶠俱懸九色霞

西塔寺避暑

石門迴合郡城西岸幘重來路欲迷池浴九龍將雨  
過塔標雙鴈倚天低酒杯無用逃河朔屐齒還如在



會稽萬壑松濤吹日夜炎蒸那得到禪棲

西橋步月

散步城西第二橋飛虹千尺跨山腰月明烏鵲浮空  
渡風起魚龍拔浪驕圯上逢人疑化石廣陵懷古罷  
吹簫野航秋水堪乘興不信河源此夜遙

顧季狂沈嘉則至自武夷夜集齋中用河字

君從九曲泛滄波念我能乘逸興過高館竹陰懸榻  
久七臺雲氣入門多臨印得客誇能賦郢國逢人屬  
和歌此夜秋風俱萬里莫辭杯酒送明河

酬方定之叅政

十月江州一鴈來書緘雪色遠天開關山字字成搔  
首風雨時時憶舉杯斗入步簷橫作劍雲依望海結  
為臺無憐寂寞黃金使多病原非漢吏才

酬范方伯于中見寄

南浦題書寄海頭別情羈思兩悠悠天寒霧白蠻王  
壘日落江清帝子樓高曲故從三歎識未交原自一  
言收陳詩若奉明堂采羣牧誰先十二州

酬余德甫憲副

問訊章門淚一收暮雲來往自書郵浦亭卮酒期何  
後郡閣烽煙臥未休歲晏客傳流水曲江深誰並采



蘭舟從君好結丹霞侶不向瀟湘賦遠遊

贈門人田時積東歸

得客誰先六藝場開函字字挾風霜江峯暮送湘靈  
曲閣夜寒分太乙光莫以下帷高董傅且看題柱屬  
田郎東歸雪後溪如駛五兩輕隨海鳥翔

元日登臥治閣

高閣憑城萬井羅朝來春意起關河日南花木三陽  
早天北雲霞五色多懷主尚持椒作頌卜農真負  
麥為歌欲將鄉思登臨遣海鴈偏隨落照過

世宗皇帝輓章四首

只怪鈞天夢未通帝星遙夜燭冥濛金輿罷幸三  
芝館玉几深憑五柞宮遺詔普天俱朔雪望靈何  
地不悲風鼎湖自有雲龍會虛使千官泣墮弓

其二

載筆曾趨供奉班江湖猶自憶龍顏宮雲不散神仙  
仗禁月常飄玉女環似有飛輪馳帝座不知遺劍  
在人間千門望幸渾無計却恨蓬萊使未還

其三

南狩當年八駿馳故宮湯沐二陵知傳呼封禪無消  
息駐蹕山川有夢思萬姓祝堯天共永一時傳啓



帝無私詞臣灑淚銘功德最幸輪臺 詔未遲

其四

龍馭蕭蕭出紫宸 君王何意厭羣臣竹宮桂館春  
難駐玉鴈金鳧暮已親馳道白雲哀六紉寢園赤日  
弔重輪珠丘只似蒼梧野南北千秋俎豆新

送張叔養侍御應 詔還京

抗疏歸來日掩關 詔書今始及東山 兩朝故事  
留簪筆 先帝深恩在賜環繡斧重披雙輦下袞衣  
常傍五雲間孤臣潦倒鵷行夢一夜從君萬里還  
過水口贈丁司戶庸卿時攝鹺政

何地逢君不可憐客星雙照七閩天玉華雲氣詩筒  
滿金瑣江聲署閣縣煮海近聞鹽筴議徵兵急藉水  
衡錢祗應白首勞王事肯向青雲問後先

奉懷王祭酒子楠先生

解佩何年下石渠南州星斗護蓬居生徒尚憶三鱣  
頌篋笥聊存五鳳書自許人間還大藥莫須天上有  
安車對君一酌麻源水今古浮雲萬態虛

雨中過箕營山

褰帷風雨度延津絕嶠經過息馬頻苔蘚石門蒼自  
合松篁煙壁翠常勻猿聲斷續號山鬼龍氣虛無過



海神閩越年來新罷戰此中猶有避兵人

夏日讌何侍御山齋

在西塔寺側

烏坂城西佛日青誰從大地啓巖扃都人尚憶埋輪  
事野老新傳種樹經鹿苑故題蒼蘚剝鼇峯飛影綠  
雲停閒來池上看魚藻却恐垂綸犯客星

寄懷子與僉憲

隔歲音書海上傳知君長抱白雲眠牀頭雨雪烏程  
酒門外菰蒲菴畫船萬事併從身外擲一官虛向淚  
中遷相思未老頭俱白安得浮家共暮年

贈王太玉

有客尋仙海上回丹成遺我玉華杯青牛未叱函關  
去白鶴應從緱嶺來豈信瓊書占伏骨虛傳瑤草化  
凡胎八公不是淮南侶五嶽真圖何處開

送王子端茂才應試

比年天府計賢能 聖主新調六御興才力何人堪  
八斗文心須汝悟三乘 國恩自許長纓報家夢還  
占匹練升臺上黃金懸市駿霜蹄遙蹴五雲騰

寄王大王二兄弟時伏 闕爲先司馬白冤狀

得 旨議功

有客傳書自海門知君披髮叩天闈關山遍染秦廷



詹番江表  
卷之三十三  
三百三  
血日月重招楚水魂石奮豈須同父難倉公虛復負  
君恩無煩塚作祁連象漢使中牢禮更尊

閩闈校卷作

棘院藜光徹曙明桂宮秋色海天清函書競奏三千  
牘比玉誰連十五城不忝胥臣能薦士肯令毛遂晚  
知名周家典禮賓興重此日岐山又鳳鳴

放榜日作

誰云炎服異神州一日諸生國士收五色雲開天府  
曙雙龍劍掣海宮秋登名只藉中臺使奏計還趨列  
郡侯縱使王褒能作頌漢家經術敢同流

光澤郊外別邵武諸鄉大夫

白髮青袍郡大賓出疆為別轉情親向來無術延干  
木此去何能比寇恂閩地一隅初按堵樵溪是處好  
垂綸王程萬里樽前促回首煙霞愧隱淪

出杉關別諸父老二首

閩關五馬玉珂鳴萬里嚴寒又北征日月重扶新  
帝輦江湖猶策舊臣名翻慚父老當車意不盡風煙  
臥閣情回首青山俱戀別行雲無數遶前旌

其二

亂後山城疊鼓笳郊原何意見桑麻年來好與同安



枕宦拙無妨屢及瓜載路扶攜心萬里度關風雨淚  
千家 君王若有蒼生問賜帛先應到海涯

渡江別德甫用晦

豫章西望楚雲寒欲別重歌道路難三日故人酣未  
足百年羈旅病初寬已堪白社同高枕獨少青門一  
掛冠波上西山流不去故牽行色繞江干

武昌渡江寄懷張助甫參議兼訂山中見訪之

約

赤壁開樽一破愁遠天相憶又三秋題書鴈領風霜  
色倚棹江兼日月流鸚鵡何曾驕楚賦虹蜺常自攬

吳鉤明年春水平如雪不信門無訪戴舟

贈杜兵憲子睿

使節遙從北海回軍符直向大江開投醪百里舟師  
合草檄千金幕士來蓁莽重披黃歇壘烽煙漸遠鄂  
王臺過逢舊識清狂客欲引瀟湘泛酒杯

重過鄴下訪謝茂秦不遇作此遺之

三年再涉漳河水問訊西遊客未還諸子向人聞戰  
伐老妻垂死說關山悲風鴈塞寒相弔勝跡龍門遠  
自攀吾意亦將名姓變招遊好在五湖間

涇陽驛逢劉宣甫省元北上應試酌中賦贈



北走長安又上書氣吞雲夢欲何如相逢一問中山  
酒醉語猶憐下澤車雪後煙塵清驛路春前風日霽  
宸居禁林千樹俱含色合待劉郎彩筆舒

酬陳廷平玉叔

玉叔尊人  
與予同年

鄧國詞名弱冠傳漢家經術下帷先太丘有子能殊  
衆北海論交不問年羈旅一樽開雨雪避人雙劍立  
風煙可知白首心難壯萬里長纓畏後賢

贈陸尚寶子傳

一臥江東二十年客星常倚釣臺懸蓴鱸有意供垂  
白兵火無家住草玄天上徵書俄趣駕夢中操筆正

如椽看君侍從承

恩日猶有煙霞癖未蠲

駕詣 永陵

七陵松檜鬱蒼蒼五色雲隨鳳輦翔彩仗經行生雨  
露珠丘相望起輝光千官扈從天顏近萬嶺盤迴王  
氣長侍從詞臣休諫獵宸遊不比幸長楊

贈李子芳

肘後羣書只浪評誰操鴻術佐長生逢君自昔煙霞  
足別我何年羽翼輕視背曾知龍叔病折肱無媿越  
人名丹砂九轉如堪就那得人間老尚平

寒食



四塞春煙鬱未開佳辰羈旅傍燕臺近臣沾賜醪  
出社客言修被袂來百日鶯花過伏枕五陵風雨罷  
銜杯歸心只逐東皇駕芳草關山日夜催

贈許元復司馭遂訂同舟南還之約

白髮高陽舊酒徒燕關攜手問江湖時名未薄雕龍  
技宦跡仍懸市駿圖客裏青榆看漸落歸前黃鳥劇  
相呼期君遠泛扁舟去莫使人憐楚大夫

題黎君華書室

時下第

憐君未解薜蘿衣又抱圖書萬里歸遂倚南雲開赤  
館時從北斗望彤闕強年百甍心仍壯大海三珠色

競輝漢室方傳韋氏學德星寧獨聚巖扉

送陸叅軍赴南京

喜識雲間陸士龍君家太史故儒宗誰誇白面銅鞮  
胤不忝丹書鼎甲封三浦樓船天上落兩都詞筆斗  
邊逢蘭臺夜靜江聲入只憶風吹長樂鐘

奉和少師徐相公請老述懷詩

懷土非無白苧情抗章猶負赤松盟乾坤再闢雙龍  
闕日月常瞻五鳳旌況是先朝銜顧命豈應元老  
厭承明天書亟下尊師禮淑氣朝來滿禁城

送謝文度赴信宜令



海上論文調已孤天風六翮困南圖逢人未薦三都賦垂老新懸百里符到邑珠光搖合浦看山雲氣入蒼梧蜚芻轉戰今逾急多少瘡痍待汝蘇

送金汝介赴開封別駕

年少凌雲賦已工微名亦忝故交同那知駿骨來燕市只似蛾眉老漢宮一日君恩黃綬結三川行色佩刀雄憑誰莫道逢時晚龐統猶能起治中

沈箕仲雪中同諸詞客夜過

二月燕山雪正飛上林春色五雲微朝回何處堪乘興旅食餘寒獨憶歸授簡新聞梁客賦援琴欲按楚

臣徽壚頭有酒歌相樂莫問人間屬和梯

大中丞趙元朴席間道故

初公為御史坐劾嚴相免官還過淮海遇予舟中小飲竟日而別越十年嚴氏族而公始召還又五年累遷至御史中丞予適以入計至京晤言如夢率爾成詩

抗疏

先朝萬死輕東山歸去白雲驚十年高枕看浮世一日安車起盛名南國尚思驄馬步中臺已叱絳駟行淮陽風雨燕山月樽酒憐人短髮生

送方兆行兵備上谷

兆行平南越有功未錄調今官



雁門西去朔雲馳萬壘烽煙六月師聞道單于窺上  
谷不知方叔領邊陲橫戈已壯吞胡氣按轡新成出  
塞詞莫向銅標嗟往事燕然今是勒功時

題王太僕祠堂

太僕以禦海夷遇害詔賜旌忠祠

太僕祠堂北斗城中牢遣祀出天京孤軍自濺鯨鯢  
血萬戶齊哀鼓角聲烏曳陣雲飛不起龍嘘海色臥  
猶驚乾坤未散英雄氣化作雙虹貫日明

贈張表

越國諸生短鋏懸窮途意氣向人偏三搗不受曹公  
辱一諾新知季布賢難後牛衣誰對泣病來雞肋客  
爭憐長安片地供遊冶那得君能守太玄

送龔文學下第歸廣陵

千金何處買龍駒萬里霜蹄却後驅且向雲林開小  
隱不妨經術老名儒清秋佩結淮南桂永夜燈懸璧  
社珠傾蓋得君君又別燕山風雨爲踟躕

寄懷張肖甫叅議時自滇南赴西粵

中原遷客一時收不道還同萬里流金馬已聞歸漢  
使青門何意老秦侯十年兵火居難卜一字關山淚  
未休望望蒼梧南紀盡白雲先入故人愁

贈劉民部

故尚書文安公子



河朔衣冠自昔時故家猶有景鐘遺  
三朝更結青  
縞綬五夜常瞻赤羽旗蓬闕御煙趨正笏柏梁春色  
擁題詩  
天顏若問郎何自漢署馮唐起未遲

題龍門圖贈劉秀才

龍門日射扶桑標鱗穴濤驚坤軸搖遂有六螭駕宮  
闕忽飛一鯉昂雲霄紫髯如戟海神助朱翼垂天風  
力驕擾龍故是君家事赤手攀鱗翊聖朝

上大宗伯殷公

時掌詹事

秘閣圖書紀鳳年  
藜光夜燭紫宸邊承明早曳尚書履博望尊居  
太子筵多士風雲推轂應一時霖雨

賜車偏鱣堂舊著三公頌不獨關西弟子傳

發京再上殷公

廿載追趨憶漢京白頭湖海夢頻驚誰知幞被投荒  
日不少綈袍戀故情感遇欲題窮鳥賦薦才真媿伏  
龍名聞君早晚開東閣萬里長裾避後生

息縣阻潦

孤城積雨滯行車千里歸心鬱未舒野水旋吞桐柏  
廟橫流不辨玉梁渠沙邊鸛雀含愁息木末魚龍作  
意噓總使須臾成大壑便應舟楫是吾廬

集徐懋弘溪閣



喬木參差擁石林旋開亭榭水雲心檻邊溪裊三湘  
碧屋裏峯蟠五嶽陰舟泊未闌王子興酒酣猶發仲  
宣吟移樽更待寒山月愛客惟應此夜深

集徐懋誠山亭

杖藜隨處躡芙蓉得入名園興自濃谷口分泉為九  
曲舍傍穿逕著三峯留歡夜奏魚龍引散步閒隨鹿  
豕蹤只擬蘇門舒一嘯萬山雲氣漭相從

銀山寺

黃姑山頭白霧升鐵壁古寺羅荒藤居人已測金銀  
氣法界猶懸日月燈聊倚孤松為結社不須三竺更  
逢僧西風萬壑傳鐘磬立馬歸途思不勝

武昌吳國倫著

如文友翁校

七言律詩九十四首

關子與金憲將入楚宮而作

晉川書後前門歸病臥蕭蕭白髮應得句欲憑青鳥  
寄思君疑傍赤霞飛何來使節趨開府定有星槎訪  
釣磯路上相逢誰不計歸春馬和古來稀



集徐懋誠山亭

杖藜隨處躡芙蓉得入名園與自濃谷口分泉為九  
回舍傍穿逕著三峯留歡夜奏魚龍引飲步聞隨鹿  
不蹤只似蘇門洞一噴萬山雲氣清相從

欽山寺

巖岫西風萬壑軒  
龕蔡立黑龍  
豈思不

甌甌洞藁卷之二十四

武昌吳國倫著

始安張鳴鳳校  
新安方尚贊

七言律詩九十四首

聞子與僉憲將入楚喜而有作

雪川書後薊門歸病臥常扃白板扉得句欲憑青鳥  
寄思君疑傍赤霞飛何來使節趨開府定有星槎訪  
釣磯郢上相逢誰不訝陽春屬和古來稀

守巡江防三公招飲赤壁亭

山城日落水煙昏檻外驚濤萬馬奔攬勝何年呼赤  
壁按圖無處覓烏村虛傳孺子能分鼎不博君侯一



泛樽風起欲乘樊口渡蛟龍作意吼江門

潯陽舟中別莊則勸司益甫劉世仰

楚客扁舟萬里行大江風雨若爲情隋珠未變投時  
色卞玉猶全削後名三宿潯陽仍問酒十年溟海正  
論兵琵琶似解窮交意夜向鄰船作苦聲

潯陽江邊有琵琶亭

寄題張中丞湖南書屋

在固始縣南

期思城南雲水偏遠屋高樹干中天學稼不知寢丘  
瘠灌花欲比少室妍蒲輪忽自雙闕下白鉞遠授三  
秦專好待功成辟穀去橋邊黃石知君賢

曲江舟中

嶺外津門第幾重曲江煙雨暗芙蓉樓船暮放天邊  
峽斥堠春連海上峯不道南荒來五馬仍依北斗望  
雙龍宦情惟有羅浮識欲覓安期何處逢

登靈洲山

鬱水西環嶺嶠來靈山中望石門開帆檣上下占潮  
候檜柏參差護法臺亂後孤僧愁卓錫病餘遷客畏  
銜杯千秋南海衣冠氣極目猶從九曜回

黎惟敬招集山館

羊城才子集如雲楚客南浮却爲君海上風濤殊未  
已人間消息總難聞抽毫夜失三珠色說劍星流五



緯文杯酒林塘俱不偶春愁合向雨中分

海珠寺席間贈戴廣州朝賓

海寺飄飄巨浪中凌虛一葦信長風六鷁漫駕金銀  
闕孤鷺疑投碣石宮坐久曇花天上墜望來煙水日  
南空君今莫訝珠還早此地還應合浦同

酬梁公智文學

公實弟

藝苑論交二十年幾人能識季方賢風塵未試涵牛  
鼎道路仍投飲馬錢望海孤雲迷北極談兵雙淚濕  
南天新詩不減明珠贈恰好移官合浦前

題黃幼章書室

舍傍新逕入蓬蒿旋理圖書四壁高述史先稱牛馬  
走策名無忝鳳皇毛虛亭影射三山日茂樹風含漲  
海濤安得羊城刁斗息與君長夜醉葡萄

登鎮海樓

羊城高枕越王臺城上孤樓夾蜃開曲檻虛無懸嶺  
海平林飄忽過風雷天空戍笛千家落水盡蠻煙萬  
里來只似劉琨長嘯處同君揮淚一銜杯

夏日登鑑江亭

地盡南荒萬嶺迴石亭斜倚鑑江開鄉心苦被蠻雲  
結客淚遙含海色來六月荒城喧鼓角千家落日閉



蒿萊炎方多難何時解極目重溟轉自哀

鑑江泛舟

蠻江一曲遶城孤萬里浮沈楚大夫遂有驪龍驚赤  
水不教鴻鴈度蒼梧山煙細傍清樽吐海月遙憑短  
劍扶醉裏那知窮異域林猿山鬼自哀呼

至日

何處為樓好望京關山直北正含情宮中已應黃鍾  
律海上猶聞枹鼓聲客計此時安去國君恩萬里  
屬專城衣冠曉漏疑天近五色雲隨綵線生

楊別駕破賊赤水

十年南越正妖氛鐵面楊郎氣不羣橫海自披金瓊  
甲射潮新勒水犀軍羣雄力盡千艘解萬室憂懸一  
羽分田野只今爭賣劍銅標虛紀漢時勲

東齋對花有感

灼灼芙蓉媚小軒垂垂木槿傍泥垣芳菲八月秋無  
恙棲息孤禽暮不喧赤羽徵兵橫絕海黃金賜吏滿  
中原夷歌處處頭堪白只有花間是主恩

答黎惟敬韶石舟中見夢之作

瘴海蠻山穩謫居故人相念欲何如論文今古悲長  
夜欹枕風雲薄大虛落日自迷千里駕亂兵遙阻八



行書曲江不比邯鄲道兩岸猿聲淚滿袂

哭薛思素方伯二首

鱷浪晨驅海霧黃龍泉夜擲斗無光臨年自應西州  
石約子原無越國裝瘴嶺愁增兵後色溫陵歸是夢  
中鄉乾坤不少班荆地却向悲風弔白楊

其二

虞廷嶽牧 帝方咨萬里除書到未遲只怪龍蛇干

歲運翻從泉壤戴恩私

方伯卒後數日新命至

居人欲樹桐鄉

塚門客誰題楚峴祠望海招魂天漠漠傷心惟有白  
雲馳

子與書至自武昌念予為甚作此答之

知君不厭武昌居念我南浮萬里餘岐路此生誰得  
意兵戈相望一裁書洲前作賦愁鸚鵡海上脩文走  
鱷魚但得青山還白髮衡門應枉故人車

春日東齋示兒無忌兼勉梁姚二生

海上百花春正饒魚龍飛躍趁春潮兒曹幸倚雙珠  
樹汝輩寧虛駟馬橋策抱天人堪自獻庭聞詩禮未  
應驕東齋夜夜窺弦誦合有藜光燭紫霄

答元美憲長

辛苦雙魚寄遠遊此身天地一虛舟越南未必窮遷



客海外猶聞有九州  
兵火復驚降漢壘  
雲霞偏擁望  
京樓何時共醉金闈  
月夢裏逢君淚亦收

答德甫

龍母山橫大海邊  
使君常傍石龍眠  
飛來一字雲爲錦  
起按孤琴雪滿弦  
瘴癘經春皮骨在  
關河日夜斗牛懸  
寧辭白首投魑魅  
萬里緜袍迴自憐

贈金將軍

將軍自合浦帥新撫民三千人航海東歸故有此贈

闕下金雞萬里傳  
帳中銅虎一軍懸  
潢池赤子兵初解  
南粵明珠貢已全  
行擁列星環部曲  
坐從高浪出戈船  
請看漢主論功日  
諸將誰居陸賈先

南海舟行寄懷公智

日落風高彩鷁翔  
海峯沙磧過微茫  
探竒欲折三珠樹  
學道虛聞五色羊  
賴有煙波供放逐  
且憑卮酒見疎狂  
歌來白雪君須和  
莫道南溟是瘴鄉

病中與周子徵使君夜談

瘴雨初收海氣清  
扁舟萬里繫歸情  
驅馳未灑窮途淚  
老大猶存直項名  
亂後白雲依病臥  
秋來華髮應愁生  
逢君亦有投簪意  
好向深山學耦耕

雨夜有感簡子徵

八月南中暑未銷  
孤雲入望楚天遙  
羊城鼓角懸秋



雨大海風雷過晚潮去國此身元汗漫逢人何事不  
蕭條惟應自理清商曲藉爾朱弦永夜調

晚過李中丞宅同盧方伯戴使君對菊

深庭密樹已全遮客到疎簾捲暮霞不分風霜催白  
髮肯辭杯酒負黃花東籬恨未歸陶令南海遙堪醉  
孟嘉八十主人筋力健何須甘谷更移家

甘谷在南陽酈縣上

多菊花飲其水者多壽

奉懷雁少南中丞山居

石室蘭臺倚禁林抗章何事獨抽簪廷中憶結狂生  
襪門外曾無故吏金抱影碧山雲漠漠題書滄海晝

陰陰琳頭一劔虹光吐不盡當年國士心

自新會渡海至覲岡

片帆輕曳嶺雲飛日落潮生島嶼微欲借蛟龍招海  
賈漫脩蘋藻薦天妃兵連絕塞鴻難度秋盡平林葉  
未稀一夜猿聲催櫓發旅魂那得夢中歸

哭李于鱗憲長六首

初聞哭母去中州不道身從地下遊骨立難平風木  
恨魂銷只結海雲愁異時死孝傳青簡絕域傷心黯  
素秋一代風流看漸盡高名誰可繼曹劉

其二



瘴海風濤蔽遠天思君萬里日潸然只嗔鴻鴈書重  
阻誰謂龍蛇識已專東岱精英寒自歛西京詞賦晚  
逾傳乾坤尚有三難弟不必桓譚惜太玄

其三

燕臺結社五君同不數談天碣石宮敢謂後來無獨  
步定知先入是宗工關山涕淚揮毫外生死才名側  
目中若道脩文如管輅悠悠泉路未應窮

其四

我所思兮在泰山百年無自復追攀有兒不忝駒千  
里其子名駒字千里何客能窺豹一斑白雪樓頭春草綠大

明湖上暮雲閒懸心宰木陰森處誰向龍門御李還

其五

五子詩傳五嶽俱詞場那得少前驅延津一化蒼龍  
劍象罔難求赤水珠同社各天都黯澹孤雲萬里獨  
踟躕卽今嶺外兵戈滿何處能安七尺軀

其六

泰華峯頭一振衣飄然遠駕犢車歸微書漸起東山  
臥薦牘紛從上國飛自信主恩終不薄那知人世  
忽全非可憐未盡憂時意化作天門一寸暉

元日東郊迎春作



物候先從絕域新  
千花爛熳始逢春  
朝衣夜起迎三朔  
社鼓晨喧侑五辛  
北望彩雲常捧闕  
東來青帝儼飛輪  
巖耕野牧蒼生意  
何得烽煙淨海濱

答劉志仁憲使見懷兼謝雙穀之惠

署閣蕭疎臥海濱  
故交淪落遠猶親  
八年治郡無能事  
萬里橫戈自病身  
文穀細函天女錦  
瑤篇光奪楚人珍  
溫陵此日兵聲緩  
合向安流繫釣緡

來司理過郡

西來一旅控雙旌  
海樹翻風匣劍鳴  
粵磴盤旋雲際出  
蠻煙飄忽雨中生  
傷心羽檄馳關塞  
問俗單車入

郡城多病故人猶  
臥閣強持樽酒爲君傾

送劉德甫司理扶櫬還吉州

海盡南天毒霧深  
歸舟萬里繫春陰  
雲山自暗趨庭路  
風木難鳴就養心  
珍重江鄉孤櫬返  
虛無陵谷二碑沈  
可憐楚客銷魂後  
攜手相看血滿襟

題鄒太史祠

太史蜀人名智在  
孝廟以言被譴謫石城  
所從事竟卒于官  
有司至今祀之

梁獄鄒陽解上書  
一官流傍海雲居  
虛將彩筆干霄漢  
無復青藜照石渠  
賦鵬湘南年竝少  
頌鱣門下客



全疎荒祠斷碣蠻煙裏落日楓林黯不舒

硃洲弔古二首

洲在吳川縣南宋端宗航海駐此崩少帝昺  
卽位尋徙厓門爲元兵所滅

一旅南巡瘴海邊孤洲叢檝繫樓船從容卷土天難  
定急難防胡地屢遷丹鳳未傳行在所黃龍虛兆改  
元年當時血戰潮痕在常使英雄涕泫然

其二

海門鯨浪吸硃洲諸將當年扈蹕遊赤岸至今迷御  
輦蒼梧何處望珠丘行朝艸樹三千舍故國腥臊百

二州爭死厓山無寸補獨餘肝膽壯東流

謁范學士墓

宋龍圖學士范祖禹紹聖初以撰本朝實錄  
及諫禁中事被譴貶置化州尋卒葬石龍山  
南

出郭平堤曉霧重停車宿莽弔遺蹤林間斷碣題金  
馬塚上孤雲臥石龍彤管細書今未泯青蒲直諫古  
難容蠻荒寸土千秋骨誰擬行藏似蔡邕

哭王司諫徵久先生二首

神武青春已掛冠東山遙在赤霞端天迴漢史浮湘



簷西洲亭 卷之二十四 十一  
棹宅枕秦人望海壇大藥虛無金竈息空衣縹緲玉  
樓寒思君一夜成今古嶺外重雲淚未乾

其二

赤水丹山隱少微釣臺虛借客星輝詞名東海無今  
昔諫草 先朝有是非一刺徃時干倒屣此生何地  
復掘衣桓榮負土尋常事兵革遐荒恨未歸

弔吳節婦詩有序

節婦李氏電白吳生士儀妻也生病且死目  
李氏年殊少屬令善事後人李氏乃涕泣與  
生訣曰此身誓不歷二庭君有不測以死狗

耳生尋卒未數日李亦從容自經死其家合  
葬之嗟乎茲奇節哉予既采輿論以告部使  
者請旌其墓復爲此詩弔之

黃鵠雙飛振北林雌雄相失晝陰森一時雨暗崩城  
淚千古霜寒匪石心宰木似能交總帳重泉猶自合  
著簪生芻想像人如玉問俗停車感慨深

發高州諸鄉大夫餞送至里麻蓋予前破賊處  
一也愴然有作

羣盜初平淚未收除書遠作夜郎遊無能敢附循良  
傳欲去仍含喪亂憂戰後郊村餘古木樽前風物似



并州他時父老應相憶萬里雲山望海樓

三橋驛別諸生

荒村古堞三橋西新鬼夜號猿晝啼楚客長征日黯黯  
蠻兵乍解天淒淒頻年化俗半章甫萬里傷心多  
鼓鼙門下諸生總鸞鶴何人先擇瓊樹棲

發電白范將軍楊別駕攜酒送予四十里野店

中痛醉而別是日颶風

海城亂後天昏昏客子未別先銷魂霧霧暗驅千蜃  
過怒潮橫激三山奔將軍解贈荆綬別駕重攜瘿  
木樽中路踟躕日已暮那能執手排天閣

送許子峻使君赴柳州

嶺雲隨客度蒼梧直道無妨再剖符象郡自開秦井  
邑蠻荒總列漢輿圖一樽解纜兵聲劇萬里懷人海  
月孤報國此身君獨健勿云遷謫是窮途

黎惟仁唐寅仲見過舟中對雨

三月羊城熱已毒海風天末生微涼岸頭忽至問奇  
客波上且浮聽雨觴坐挽重溟洗碣石虛愁十日焦  
扶桑當筵誰獨賦鸚鵡吾意能憐處士狂

遊飛來寺同羅方伯賦

一線江流萬仞山嵐煙迴合隱禪關佛來自擁青蓮



座猿去空遺碧玉環幽逕薜蘿穿象外上方鐘磬落  
雲間波銜片月龍宮吐兩岸芙蓉可盡攀

胡元靜使君梓余樂府詒詩謝之

弱冠操觚擬斲輪擔囊垂老厭風塵那知合浦還珠  
客偏識陵陽抱璞人三歎管弦聲屢變百年山水調  
仍新問君何處藏書好石匣雲封恐未真

登芙蓉峯

最高峯峙曲江湄千葉寒光石室披乘興偶騎黃鶴  
至放歌聊與白雲期雙流夾郡風雷走萬嶺盤空日  
月垂摘盡芙蓉天未暮尋仙又過洗丹池

過韶石作

奇峯歷歷總難名羅列南華萬象驚空谷似聞虞帝  
樂斷雲虛帶越王城石帆飄忽開瓊島天柱岩巖壯  
玉京舟子不須貪利涉看山入夜旅魂清

度庾嶺

瘴海兵戈歲月深望鄉華髮不勝簪卻從一綫生還  
路乍醒三年死戰心驄馬倦馳山忽雨白猿哀嘯壁  
常陰嶺頭雲氣迷江界征客勞歌半楚音

徐中丞世寅攜酒枉過章江舟中竟日而別賦

謝



短棹西浮二水來故人開府豫章臺  
衣冠偃蹇猶經術干羽從容自異才  
嶂雨寒生滕子閣浦雲光促李膺杯  
論心不盡江天暮秉燭纔驅小隊回

泊南康

石堤楊柳暮維舟蒲目山川是舊遊  
天墜一星浮古郡雲將七嶺散中流  
江邊故老都青眼門下諸生半白頭  
景物傍人爭戀戀不妨風雨更遲留

月夜出彭蠡湖

彭湖千頃月中來病客蓬窻起自開  
五老雲隨舟宛轉二孤天接水滌洄  
沙寒忽擁陰山雪風起長鳴大

澤雷身是波濤渾不定放歌回首一銜杯

予自嶺南歸至黃龍江口會汪伯玉司馬顧季  
狂山人竝發鄂城先後適至蓋萬里不期之  
遇也促飲舟中達曙而別爲賦二詩紀之時  
隆慶壬申四月十八日

浮海歸舟問故鄉故人何自遠相將  
一時握手歡如夢萬里論心醉欲狂  
江口白波吹楚峽樽前明月下潯陽  
林鳥欲起樓船發搔首乾坤意未央

其二

漢水西來蹴萬山黃龍捲雪障江關  
那知天遣雙帆



到直為人從五嶺還書札浮沈兵火後劍光明滅斗  
牛間百年今夕且高興明日風塵誰壯顏

題龍沙草堂贈樹德宗侯

豫章臺枕白龍沙夜夜龍光帝子家直取滄江浮几  
席旋開赤館弄雲霞詞人入座金樽滿諸從趨庭玉  
樹斜情興日隨風景別西園勝事好誰誇

聞肖甫中丞自吳下移鎮金陵遙有此寄

二泖戈船一羽收金陵王氣五雲留山蟠龍虎天兵  
合路扼梯航帝寵優白簡先從吳地按絳繻如在  
洛中遊燕磯牛渚風流過安得同君一泛舟

登澄清閣因簡戢兵憲

閣在蕪陽江上戢公所為視水師處

八月秋陰四塞開登樓遠見鄂王臺江連吳楚鏡中  
劃雪湧岷峩天上來習戰水軍聯巨艦踏歌漁父送  
深杯東南且莫憂羣盜鎮靜今逢叔子才

飲洪濟卿戶曹鳳山亭

鳳山亭子碧雲中遶屋蓬蒿又逕通山疊青螺浮曠  
野江搖白練下晴空一樽乘興秋無恙何客登高賦  
獨工相望菰蒲家不遠勝遊能得幾回同

登嘯臺

在定慧院中

千里江山一坐收異時何客此風流沙邊萬樹浮高



浪天際孤雲入素秋寺僻斜連邾子邑軒空遙俯庾  
公樓醉來長嘯不知處豈必蘇門是勝遊

行次鄂渚遇徐子與至自滇

萬里昆明尺素稀洞庭何自錦帆飛雙星倚劍蒼龍  
合八月登樓黃鶴歸老去風霜無息駕夢醒湖海一  
沾衣高歌郢曲須君和世上知音有是非

同子與夏口泛月

萬里江光漾白雲清秋泛月此同君仙人樓畔星槎  
繫處士洲前雪浪分楚國山川憑縱酒漢宮消息阻  
論文悲歌夜發魚龍起那得當時屈宋聞

登黃鶴樓

層樓極目楚天孤騎鶴仙人漫有無城郭萬家羅勝  
地江山千載見雄圖風生秋水蒹葭亂日落晴沙鶴  
雀呼白首不禁懷古意一軒明月坐冰壺

洪山寺眺望

客到層巒一振衣江山萬態擁禪扉雲平野岸峯如  
抹雨過空林塔欲飛複道香煙迷咫尺海宮珠色動  
霏微憑欄不盡三湘勝長嘯真從天外歸

過蒲圻訪魏順甫憲使

百里蒲湖一草堂叩門呼酒爲誰狂總緣述作思陶



謝遂恐交遊薄范張瘴海波濤揮淚過青山日月著  
書長西風握手成悲感明發驅馳向夜郎

登岳陽樓

高閣層城四望開洞庭秋色正徘徊湖吞九水浮天  
闊地擁三巴入鏡來赤甲雲生神女過黃陵日落帝  
妃哀尋源不必乘槎去直取君山作渡杯

於信夫邀餞潮音閣

萬里秋風動五溪空王臺殿白雲齊客來蓮葉舟堪  
繫僊去桃花渡已迷握手故人非少壯攜樽落日更  
攀躋憑欄醉問黔陽道悵指蠻煙楚塞西

行經桃源

天關靈源一逕通石林秋色上虛空谿聲暗咽秦時  
雨村落仍遺晉代風千尺藤蘿丹洞口幾家雞犬白  
雲中相逢野老殊顏色莫問桃花何處紅

鐘鼓洞

在辰溪西

辰溪之水撼孤城隔岸空山時自鳴誰遣馮夷奏金  
革每令河伯猜陰晴玲瓏雙竅雪乳墮突兀一峯蠻  
瘴生何當挈汝置清廟應手復作咸池聲

馬底道中

武陵西入酉陽關蜀道何如此地艱緣磴屢窮千仞



石穿雲猶阻萬重山蠻煙似出檐帷裏亂瀑爭鳴霄  
漢間落日雙懸遊子淚幾時叱馭好東還

孫山甫中丞宅道故

壯歲簪貂出總戎紆籌清切在隆中卽看西峴碑重  
勒豈是南陽戰未工解組尚勤明主問懸車真與  
古人同却慙青瑣追陪客垂老無聞自轉蓬

送滕憲使入賀

群荆萬里界銅標玉帛爭馳負宸朝驄馬好隨羣后  
入絳旌先拂五雲飄明堂日月新龍馭率土謳歌叶  
鳳韶爲問遠臣何所獻只將金鏡比芻蕘

送王閫帥入賀

閫帥楚人名夢弼常有功於楚

曾將孤軍破赤眉荆南父老識旌麾今看玉闕朝  
重譯何用銅標絕九夷白馬盟功無遠近蒼龍化劍  
有雄雌憑君一酌瀟湘水爲獻甘泉萬壽卮

謁武侯祠

溪上祠堂背郭成前山如列漢時旌丹青異代俱陳  
跡俎豆夷方豈世情七縱不知飛鳥盡三分猶說臥  
龍名閒來抱膝歌梁甫隔水西風萬木驚

程太恭人九十以孀節受封

其子程汝見大叅索贈

燕喜堂開歛水邊金章照耀彩衣懸由來黃鵠歌前



詹垂派羹 卷之二十四 十八  
事都向青鸞詔裏傳玉鏡千秋無改色瑤池何處有  
真仙請看漢使旌門後誰數當時穆母賢

喜元美擢太僕卿有寄二首

丁年去國已婆娑忽有春風動玉珂六馬前驅天路  
廣四門新闢主恩多卽看止輦收顏駟何異連城  
起卞和詩奏柏梁誰第一明良此日正賡歌

其二

攬轡霜清楚甸寒微車遙下彩雲端天門八翼飛如  
夢帝輦羣龍馭正安事定交游無按劍書傳湖海  
一彈冠西山未改當時色誰共華陽倚醉看

謁王右史墓

右史故爲郡博雅識予文

銅鼓山前霜露深玄臺白石晝陰陰十年問字三湘  
夢匹馬將芻萬里心日落松楸聞野笛風生猿鶴助  
哀音行藏差擬長沙傳不必新書重士林

立春前一日問于實甫方伯病

雪盡春生歲欲除高齋藥餌近何如從他笛裏梅花  
落莫遣樽中柏葉虛風景解憐同病客兵戈相傍九  
夷居聞君不淺尊鱸興令我顛毛一夜疎

元夕同諸大夫讌劉子元中丞宅觀燈

高館長筵樂事賒春燈焰焰吐飛霞金鼇遠駕三神



島火樹旋開五色花  
漏下星辰依客聚  
曲終河漢倚城斜  
千金卜夜歡相戀  
肯向樽前負物華

五十初度有感二首

誰將百甕壯春暉  
屈指浮生事事違  
朝野逢人曾按劍  
風雲何處可忘機  
愁心自厭新題賦  
病骨聊勝舊賜衣  
四十九年無寸補  
豈應頭白始知非

其二

學道無聞歲已深  
更堪多病未投簪  
少年虛負凌雲氣  
盛世偏孤捧日心  
九土山河經浪跡  
三朝名姓老詞林  
途窮更作居夷客  
何異當時澤畔吟

初度日家兄遣兩僮適至兩僮竝善吹笛聞之

悵然

東風搔首夜郎城  
一字鄉書百感生  
侍子雙調雲夢管  
當筵忽作鳳鸞聲  
梅花落盡春難寄  
律呂和來怨未明  
卻是吹塤人  
萬里關山何處不含情

羊腸坡

風塵何地不羊腸  
白首孤蹤遍鬼方  
無奈關山行漸險  
可能筋骨老猶強  
蠻煙咫尺迷初逕  
怪石周遭倚大荒  
欲躡片雲飛楚岫  
便招黃鶴與翱翔

過山甫書院因贈





名臣垂 卷之二十四 三十一  
城上諸峯赴講堂如雲門客儼趨踰橫經案倚三辰  
麗問道津懸四瀆長冠冕舊通羅鬼國弦歌新滿鄭  
公鄉居然坐我清虛府一語無聞百慮忘

石阡道中

斷壑陰崖去忽迷前旌已度夜郎西孤城扼險諸夷  
伏一逕懸空萬石躋烽火乍清丞相壘瘴雲曾護謫  
仙題逢迎父老猶堪喻莫道窮鄉俗未齊

憩蟠龍山館

空館荒階綠蘚平勞人息馬坐含情案頭山引蟠龍  
入牖下泉穿跑犢鳴虛擬脩文回異俗祗從傳食負  
平生黔陽萬里驅馳盡何得蠻煙一嘯清





入... 卷... 三

石... 道中

幽壑陰崖去忽迷前旌已度夜郎西  
一還懸心萬石躋烽火年清丞相  
題逢迎父老猶以喻莫道窮鄉俗未齊

總... 龍山館

平坐無... 萬里... 觀... 傳...



